

第六三四冊

理學彙編

文學典

冊書部

制誥部

敕書部

表章部

箋啓部

奏議部

批答部

教令部

(卷)

一四〇

一四一—一四四

一四五

一四六—一四九

一五〇

一五一—一五三

古今圖書集成

中華書局影印

欽定古今圖書集成理學彙編文學典

第一百四十卷目錄

冊書部彙考

周禮 春官

許慎說文 書

劉熙釋名 釋書契

蔡邕獨斷 策書

隋書 禮儀志

唐書 百官志

宋史 職官志

冊書部總論

春秋註疏 簡策

王應麟玉海 簡策

徐師會文體明辨 簡策

冊書部藝文一

三王世家贊

進貞懿皇后哀冊文狀

進憲宗哀冊文狀

謝宣行哀冊文狀

蔡端明書唐太宗哀冊

題唐太宗哀冊文後

冊書部藝文二 詩

門下相公榮加冊命天下同歡泰沐眷私輒感

申賀

宣政殿前陪位觀冊順宗憲宗皇帝尊號

送于中丞使回紇冊立

天祐元年以右拾遺使冊閩王而作

翁承贊

翁文堯員外擁冊禮之歸一路有詩名畫錦集

先將寄示因書五十六字

觀賀皇太子冊命

冊書部選句

冊書部紀事

冊書部雜錄

冊書部外編

文學典第一百四十卷

冊書部彙考

周禮

春官

內史凡命諸侯及孤卿大夫則策命之

項氏曰諸侯有土之君孤卿大夫在朝之臣皆

書辭於策以命之 王氏詳說曰言命諸侯及孤

卿大夫則策命之爲出封者設爾蓋策命非常命

也書曰遙視冊惟告周公其後曰康王命作冊畢

左氏曰王命內史叔與父命晉侯爲侯伯後世有

內制其古之策命與

王制祿則贊爲之

鄭康成曰王制云王之三公視公侯卿視伯大夫

視子男元士視附庸贊爲之者爲之辭也

以方出之實賜亦如之

鄭司農曰以方版書而出之 杜氏曰方直謂今

時牘也 鄭錡曰行爵出祿無非人君之命或以

命之所以述其德與以祿者必義所當與之人用

方出之所以著其義者備類之類方版也其制

方方言其義

許慎說文

冊

冊符命也諸侯進受於王也象其冊三長一短中有

二編之形

劉熙釋名

釋書契

策書教令于上所以驅策諸下也

漢制約勅封侯曰冊冊讀也策使齎隨不犯之也

蔡邕獨斷

策書

漢天子命令一曰策書策者簡也禮曰不滿百丈不

書於策其制長二尺短者半之其次一長一短兩編

下附策書起年月日稱皇帝曰以命諸侯王三公其

諸侯王三公之薨於位者亦以策書誄諡其行而賜

之如諸侯之策三公以罪免亦賜策文體如上策面

諫書以尺一木兩行唯此爲異者也

隋書

禮儀志

諸王三公儀同尚書令五等開國太妃妃公主恭拜

冊軸一枚長二尺以白練衣之用竹簡十二枚六枚

與軸等六枚長尺二寸文出集書書皆篆字哀冊贈

冊亦同

唐書

中書省凡王言之制有七一曰冊書立皇后皇太子封諸王臨軒冊命則用之

尚書省凡上之逮下其制有六三曰冊天子用之宋史

職官志

凡命令之禮有七曰冊書立后妃封親王皇子大長公主拜三師三公三省長官則用之

冊書部總論

春秋註疏

簡策

杜預春秋左傳序諸侯各有國史大事書之于策小事簡牘而已孔穎達疏釋器云簡謂之畢郭璞云今簡札也許慎說文曰簡牒也牒書板也蔡邕獨斷曰策者簡也其制長二尺短者半之其次一長一短兩編下附鄭康成注中庸亦云策簡也由此言之則簡札牒畢同物而異名單執一札謂之爲簡連編諸簡乃名爲策故於文策或作冊象其編簡之形也鄭康成注論語序以鈎命決云春秋二尺四寸書之孝經一尺二寸書之故知六經之策皆稱長二尺四寸蔡邕言二尺者謂漢世天下策書所用故與六經異也簡之所容一行字耳牘乃方版版廣於簡可以並容數行凡爲書字有多有少一行可盡者書之於簡數行可盡者書之於方方所不容者乃書于策聘禮曰若有故則加書將命百名以上書於策不及百名書於方鄭康成曰名書文也今謂之字策簡也方版也

是其字少則書簡字多則書策此言大事小事乃謂事有大小非言字有多少也大事者謂君舉告廟及鄰國赴告經之所書皆是也小事者謂物不爲災及言語文辭傳之所載皆是也大事後雖在策其初亦記於簡如南史欲書崔杼執簡而往董狐既書趙盾以示於朝是執簡而示之非舉策以示之明大事皆先書於簡後乃定之于策也其有小事文辭或多如呂相絕秦聲子說楚字過數百非一牘一簡所能容者則於衆簡牘以次存錄也杜所以知其然者以隱十一年傳例云滅不告敗勝不告克不書于策明是小事來告載之策書也策書不載丘明得之明是小事傳聞記於簡牘也以此知仲尼修經皆約策書成文丘明作傳皆博采簡牘衆記故隱十一年註云承其告辭史乃書之於策若作傳開行言非將君命則記在簡牘而已不得記於典策此蓋周禮之舊制也又莊二十六年經皆無傳傳不解經註云此年經傳各自言其事者或策書雖存而簡牘散落不究其本未故傳不復申解是言經據策書傳憑簡牘經之所言其事大傳之所言其事小故知小事在簡大事在策也

王應麟玉海

冊

聘禮百名以上書于策不及百名書于方疏曰簡據一片策是衆簡相連鄭作論語序云易詩書禮春秋策尺二寸孝經諫半之論語八寸策者三分居一又諫焉是策之長短鄭注尚書三十字一簡之文服虔注左氏云古文策書一簡八字是簡之字數說文冊

符命也諸侯進受于王也象其札一長一短中有二編之形古文曰籒徐師曾文體明辯

冊

按說文云冊符命也字本作策蔡邕云策者簡也漢制命今其一曰策書長二尺短者半之其次一長一短兩編下附篆書以命諸侯王三公亦以誅謚而三公以罪免則一木兩行諫書而賜之其長一尺當是之時惟用木簡故其字作策至于唐人逮下之制有六其三曰冊字始作冊蓋以金玉爲之說文所謂諸侯進受於王象其札一長一短中有二編之形者是也又按古者冊書施之臣下而已後世則郊祀祭享稱尊加諡寓哀之屬亦皆用之故其文漸繁今彙而辯之其目凡十有一曰祝冊郊祀祭享用之二曰玉冊上尊號用之三曰立冊立帝立后立太子用之四曰封冊封諸王用之五曰哀冊遷梓宮及太子諸王大臣薨逝用之六曰贈冊贈號贈官用之七曰諡冊上諡賜諡用之八曰贈冊贈官并賜諡用之九曰祭冊賜大臣祭用之十曰賜冊報賜臣下用之十一曰免冊罷免大臣用之今制郊祀立后立儲封王封妃亦皆用冊而玉金銀銅之制各有等差蓋自古迄今王言之所不可闕者也今錄古作以垂式云

太史公曰古人有言曰愛之欲其富親之欲其貴故王者壘土建國封立子弟所以褒親親序骨肉尊先祖貴支體廣同姓於天下也是以形勢強而王室安自古至今所由來久矣非有異也故弗論著也燕齊之事無足采者然封立三王天子恭讓事臣守義文辭爛然甚可觀也是以附之世家

褚先生曰臣幸得以文學爲侍郎好覽觀太史公之列傳傳中稱三王世文辭可觀求其世家終不能得竊從長老好故事者取其封策書編列其事而傳之令後世得觀賢王之指意蓋聞孝武之時同日而俱拜三子爲王封一子於齊一子於廣陵一子於燕各因子才力智能及土地之剛柔人民之輕重爲作策以申戒之謂王世爲漢藩輔保國治民可不敬與王其戒之夫賢王所作固非淺聞者所能知非博聞強記君子者所不能究竟其意至其次序分絕文字之上下簡之參差長短皆有意人莫之能知謹論次其真草詔書編於左方令覽者自通其意而解說之

進貞懿皇后哀冊文狀

唐常袞

右奉進止令臣撰詞訖謹隨狀封進伏以纂述坤儀弘宣聖悼禮有追冊文以敘宸前代以來舊章不易屬詞之重高選文臣晉之恭后則王彪之顏延年咸製其詞哀華著稱至貞觀中文德皇后遷座特詔虞世南撰述編於文館永播徽音此二臣者皆以鴻藻奮於一時用能紀皇靈之風煥青史之簡臣才學甚淺典策非工承詔兢悚匪遑風夜伏自循省叨竊至

深陛下往命貴妃追封殊號冊誥之令皆臣奉行德範柔明多所遺闕退思鄙薄於今愧報此又復承慈旨重紀芳猷雖竭庸虛慚無麗藻文明天下多士盈朝願其式瞻何以昭示冒嚴上獻益用兢惶無任戰懼之至

進憲宗哀冊文狀

令狐楚

右奉勅令臣撰者臣今撰了謹連如後竊以揚先帝無疆之德薦陛下罔極之恩宜擇能者永垂不朽聖意以臣備位相府策名文場忘其庸虛賜以撰述頃自哀迷重疊心緒摧落雖磨鉛雕朽已竭其精誠捧日鏡天難窮其高遠干冒封進無任悲懼屏營之至

謝宣行哀冊文狀

前人

右臣先準勅撰成封進訖奉某月日勅旨敬依典禮不任號慕者伏以範天地之大者難爲狀錫金石之堅者難爲工況先皇之武烈文明迥超前古而微臣之瞽言惜學不及中人願惟庸虛謬獲紀述叨蒙恩獎特賜宣行竊文士之名誠有慚色彰聖人之德實荷經綸云云

蔡端明書唐太宗哀冊

宋劉克莊

文皇帝除亂致治功德儘可形容使班馬秉此筆必甚奇偉斯作稍似不稱然沙場聲霸斗極咸羈狼山入圍潮渚歸池東旌若木西旆條支龍鄉委黃鳥服來儀亦佳語也今人恐不能道

題唐太宗哀冊文後

明宋濂

天台詹君國器嗜古如嗜利近於汴梁市中購得褚登善所撰唐太宗哀冊文一卷舊書藏相臺岳珂倦翁家後有北燕齋贊成所題定爲唐人書詹君既自

識其左復請濂一言之濂聞唐故事哀冊國之大典也非職載筆至司鈞衡者不敢爲之登善自貞觀二十二年九月己亥爲中書令二十三年三月丁卯太宗不豫四月己亥幸翠微宮五月己巳崩于含風殿庚午奉大行御馬與還京師當是時登善秉政中書緝熙帝載者已九月哀冊必屬之蓋無疑也此卷當爲命筆之第二故于二十三年下闕歲次己酉五月甲辰八字嗣皇帝下不書治字家傳籍雲下無高祖配天一人有慶八字迴悲風于長下缺術字然特其缺文耳徵之大詔令羅圓琬琰集文粹文苑諸書其更改又各有同異殆不能悉數也濂竊按正史雖史咸謂太宗以八月庚寅日葬與大詔令等書並同庚寅則八月之十八日也今獨云庚子則是月之二十八日不知何以有一旬之差將史誤耶或棄本之筆訛也嗣皇帝之名不書懼瀆也其理固當太宗之崩既書二十六日己巳矣年月甲子初何足隱諱而懸空之耶尤有不可得而曉者相去七百餘載其事不可臆度未可以遽言也若論字畫當爲登善所書登善初師虞世南晚入右軍之室故唐之能正書者僅二十八人而登善居三四之間此卷溫潤似虞其結體則多法右軍世之人徒見登善所書或與薛稷類者遂疑之殊不知先哲有兼人之才而其作字初不拘一體張顓善草書至其小楷極端謹有法傳其學者唯顏真卿得之耳觀登善者宜以是求之質成雖號能鑒古其言似不足徵也國器尙未寶之

冊書部藝文二詩

門下相公榮加冊命天下同歡泰沐春私輒感

申賀 唐劉禹錫

冊命出宸衷官儀自古崇特膺平土拜光贊格天功
再佩扶陽印常乘鮑氏驄七賢遺老在猶得誅清風

宣政殿前陪位觀冊順宗憲宗皇帝尊號 薛逢

樓頭鐘鼓遞相催曙色當衙曉仗開孔雀扇開香案
出袞衣動冊函來金泥照耀傳中旨玉節從客引
上台盛禮未尊徽號畢聖慈南面不勝哀

送于中丞使回紇冊立 賈島

君立天驕發使車冊文字字著金書漸通青冢鄉山
盡欲達皇情譯語初調角寒城邊色動下霜秋磧馬
行疎旌旗來往幾多日應向途中見歲除

天祐元年以右拾遺使冊閼王而作

翁承贊

蓬萊宮闕曉光勻紅案昇麻降紫宸鸞奏八音諸律
呂鳳銜五色顯絲綸蕭何相印均衡重韓信齋壇雨
露新得侍丹墀官異寵此身何幸沐恩頻

翁文亮員外擁冊禮之歸一路有詩名畫錦集
先將寄示因書五十六字 黃滔

六象只佩諸侯印爭比從天擁冊歸一軸鄧人歌處
雪兩重朱氏著來衣閩山秀已鍾君盡洛水波應滅
我稀明日陪塵迎駟馬定淮齋沐看光輝

觀賀皇太子冊命 殷文圭

嗣冊儲皇帝命行萬方臣妾躍歡聲鸞旂再立星辰
正雉扇雙開日月明自有漢元爭朔戴不勞商皓定

欽傾春宮保傅皆周召致主何憂不太平

冊書部選句

魏曹植責躬詩仰齒金璽俯執聖冊

晉書烈女傳振高情而獨秀魯冊於是飛華挺峻節
而孤標周篇於焉騰茂

晉張協七命生則耀華名于玉牒沒則勒洪伐于金
冊

左思魏都賦窺玉冊于金縢案圖錄于石室

朱顏延之曲水詩序方策既載皇王之迹已殊鍾石
畢陳舞詠之情不一

梁簡文帝七勵石冊紫泥繩金刺玉

江淹知己賦盤龍圖及鳳書傾蒼冊與篆字又為蕭
驛騎讓封表鴻詰鬱集憊冊頓萃又為蕭驛騎讓揚

州表不能青蘋引風陽燧要景復降綸冊微采兼明
又為蕭領軍讓司空啓復降朱輪之使方柱青冊之
勸

又蕭相國讓進表重炳徽冊再晰光詒

北周庾信賀婁慈碑紫泥賜冊黃腸贈行

又進蒼烏表理宜歸瑞祕圖書祥帝冊用光至德取

效昇平

隋薛道衡駕幸晉陽詩省方遵往冊遊豫叶前經

潘徽江都集禮序東探西匱之符西盡羽陵之策

唐楊炯詩序觀星文而考南北大象入于機衡披帝
冊而贊龍神負圖出于河洛

王勃乾元殿頌序龜書叶瑞按五校而分營鳳冊揚
輝翔八鸞而節步

李義府封禪詩瑞冊開珍鳳禎圖薦寶龜

蘇頌敕書將建臨寅之歲首甫擇建子之天統是用
發揮景命受茲禮冊

于卻玉版元記頌序慕鴻猷而尊冊之明大訓而奉
行之

韓愈和裴晉公詩南伐旋師太華東天晝夜到冊元
功

元稹詩獲麟書諸冊參龍醢為鸞

元郝經開闢書像詩高文典冊職所專潤色帝業星
寬纒

袁桷詩香芝森寶冊當年侍蓬瀛

明李夢陽冬日靈濟宮詩累朝盟誓冊玉櫃少人知

冊書部紀事

尚書金騰周公植壁秉珪告太王季文王史乃冊祝公歸乃納冊于金騰之匱中注史爲冊書祝辭也尙書洛誥戊辰王在新邑絜祭歲文王驛牛一武王驛牛一王命作冊逸祝冊惟告周公其後王賓殺禮威格王入太室裸王命周公後作冊逸誥在十有二月惟周公誕保文武受命惟七年注王爲冊書使史逸誥伯禽封命之書皆同在絜祭日周公拜前魯公拜後

顧命成王命作冊度太史秉書由賓階降御王冊命注周禮內史掌冊命故命內史爲冊書也經不言命史史是常職不假言之既作冊書因作受冊法度太史太宗之屬職掌冊書

畢命序康王命作冊畢注命爲冊書以命畢公左傳僖二十八年王命尹氏及王子虎內史叔與父冊命晉侯爲侯伯注以冊書命晉侯爲伯也

昭三年夏四月鄭伯如晉公孫段相甚敬而卑禮無違者晉侯嘉焉授之以冊曰子豐有勞於晉國余聞而弗忘賜汝州田以昨乃舊勳伯石再拜稽首受冊以出

昭七年衛襄公卒衛齊惡告喪于周且請命王使成簡公如衛弔且追命襄公曰叔父陟恪在我先王之左右以佐事上帝余敢忘高國亞圍注命如今之哀冊又正義曰漢魏以來賢臣既卒或贈以本官印綬近世或更贈以高官褒德叙哀載之於冊將葬賜其家以告柩如今之哀冊謂此也

漢書景帝本紀中二年春二月令諸侯王薨列侯初

封及之國大鴻臚卿奏誥誥冊列侯薨及諸侯太傅初除之官大行奏誥誥冊

武五子傳齊懷王閔與燕王旦廣陵王胥同日立皆賜冊各以國土風俗申戒焉注史記索隱按武帝冊此三王皆自手製

衛宏漢舊儀神爵二年十月甲子丞相延登詔五鳳三年正月乙巳大夫初拜冊

王莽傳莽率羣臣至南郊陳其符命本末又作告天冊自陳功勞千餘言

後漢書光武本紀建武二年正月封功臣皆爲列侯冊曰在上不驕高而不危制節謹度滿而不溢敬之戒之傳爾子孫長爲漢藩

何敞傳注何氏家傳敞六世祖父比干字少卿經明行修兼通法律爲汝陰縣獄吏決曹掾平活數千人後爲丹陽都尉獄無冤囚淮汝號曰何公征和二年

三月辛亥天大陰雨比干在家日中夢貴客車騎滿門覺以語妻語未已而門有老嫗可八十餘頭白求寄避雨雨甚而衣履不濡漬雨止送出門乃謂比干曰公有陰德今天錫君冊以廣公之子孫因出懷中符冊狀如簡長九寸凡九百九十枚以授比干子孫

佩印綬者當如此算比干年五十八有六男又生三千本始元年自汝陰徙平陵代爲名族

楊厚傳厚字仲桓廣漢新都人也順帝時爲侍中稱病求退年八十二卒於家冊書弔祭鄉人諡曰文

殷洪小說魏國初建潘助字元茂爲冊命文自漢武以來未有此制勛乃依商周憲章唐虞辭義溫雅與詰同風於時朝士皆莫能措一辭勛亡後王仲宣擅

名於當時時人見此冊或疑是仲宣所爲論者紛紛及晉王爲太傅臘日大會賓客勛子蒲時亦在焉宣王謂之曰尊君作封魏君冊高妙信不可及吾曾聞仲宣亦以爲不如朝廷之士乃知勛作也

西州後賢志楊郃卒帝爲鎮東大將軍嘉其忠節死義遣使弔贈冊曰惟永嘉七年四月己未使持節都督江陽諸軍事鎮東大將軍瑯琊王濟謹遣板命前

衛陽內史楊君忠肅貞固守正不移雖危迫節義可嘉不幸殞卒孤城甚悼之今列上尚書贈君淮南內史魂而有靈嘉茲寵榮嗚呼哀哉

元經明帝大寧元年傳皇后庾氏庾琛之女也明帝卽位立爲皇后冊曰妃庾氏昔承明命作嬪東宮履信思順以成肅雍之德正位閨房以著協恭之美崇嫡明統載在典謨宜建長秋以奉宗廟使使持節兼大尉授皇后璽綬母儀天下潛暢后教其敬之哉

晉書王珣傳珣夢人以大筆如椽與之既覺語人云此當有大筆事俄而帝崩哀問諡議皆珣所草宋書王誕傳誕少有才藻晉孝武帝崩從叔尙書令珣爲哀冊文久而未就謂誕曰猶少序節物一句因出本示誕誕攬筆便益之接其秋冬代變後云霜繁

廣除風回高殿珣嗟歎清拔因而用之文帝哀皇后傳后崩詔前永嘉太守顏延之爲哀冊文甚麗冊既奏上益撫存悼亡感今懷昔八字以致其意焉有司奏諡宣皇后上特詔曰元

南齊書謝朓傳朓散皇后遷祔山陵朓撰哀冊文齊世莫有及者

通典齊高帝詔以褚彥回錄尙書事江左以來無單

爲錄者有司議立優冊詔從之

梁書傳昭傳太原王延秀薦昭於丹陽尹袁粲深爲所禮辟爲郡主簿使諸子從昭受學會明帝崩粲造哀冊文乃引昭定其所制每經昭戶輒嘆曰經其戶寂若無人披其帷其人斯在豈非名賢

蕭子範傳太宗卽位召爲光祿大夫加金章紫綬以通賊不拜其年葬簡皇后使與張續俱製哀冊文太宗覽讀之曰今葬禮雖闕此文猶不減於舊

周書王褒傳褒雅識治體建德以後頗參朝議凡大詔冊令褒具草

唐書禮樂志太宗時房元齡等議封禪儀玉冊四皆長一尺三寸廣寸五分厚五分每冊皆五簡聯以金高宗乾封元年封太山玉冊三以玉爲簡長一尺二寸廣一寸二分厚三分刻而金文玉匱一長一尺三寸以藏上帝之冊金匱二以藏配帝之冊總以金繩五周

張延賞傳故事臨軒冊拜三公中書令讀冊侍中贊禮或闕則宰相攝事

崔融傳融撰武后哀冊最高麗絕筆而死時謂思苦神竭云

王勃傳勃兄勸長壽中爲鳳閣舍人壽春等五王出閣有司具儀忘載冊文羣臣已在乃寤其闕宰相失色勸召五吏執筆分占其辭然皆畢人人嗟服李嶠傳嶠爲鳳閣舍人文冊大號令多主爲之

賈至傳明皇幸蜀拜起居舍人帝傳位至讓冊帝曰兩朝盛典出卿父子可謂繼美矣

王起傳起嗜學非飲食不輒廢天下之書無不讀一

經目弗忘也莊恪太子薨詔爲哀冊詞情悽惋當世稱之

劉通傳通拜司門員外郎德宗初進郭子儀爲尚父時冊禮廢視詔文者不適所宜宰相崔祐甫召通至閣草之少選成文詞義典裁

舊唐書令狐楚傳元和十四年七月授中書侍郎同平章事十五年正月憲宗崩詔楚爲山陵使仍撰哀冊文辭情典鬱爲文士所重

五代史吳越世家錢鏐始由海路入貢京師龍德元年賜鏐詔書不名唐莊宗入洛鏐遣使貢獻求玉冊莊宗下其議於有司羣臣皆以謂非天子不得用玉冊郭崇韜尤爲不可旣而許之乃賜鏐玉冊金印鏐

因以鎮海等軍節度授其子元瓘自稱吳越國王更名所居曰宮殿府曰朝官屬皆稱臣起玉冊金券詔書三樓於衣錦軍

楚世家馬殷數邀封爵天成二年請建行臺明宗封殷楚國王有司言無封國王禮請如三公用竹冊乃遣尙書右丞李序持節以竹冊封之

宋史劉敞傳敞字德興涿州范陽人太平興國六年以工部侍郎致仕敞尤好學博通史傳善屬文嘗授詔撰明憲皇后諡冊文行於世

談苑眞宗將立明肅作后令丁謂諭旨於楊大年令作冊文丁云不憂不富貴大年答曰如此富貴亦不願

石林燕語明肅太后上徽號初欲御天安殿卽今大慶也王沂公爭之乃改御文德殿元祐初宣仁太后受冊有司援文德故事爲請宣仁不許令學士院降

詔蘇子瞻當制頗斥天聖之制猶以御文德爲非是旣進本宣仁批出曰如此是彰先姑之失可別作一意但言吾德薄不敢比方前人問者無不畏服是歲冊禮止御崇政殿

青箱雜記胡武平嘗奉勅撰溫成皇后哀冊文受旨以溫成嘗因禁卒竊發捍衛有功而秉筆者不能文其實公乃用西漢莽何羅觸怒馮媛當熊二事以狀其意曰在昔禁闈誰何弛衛觸怒方警當熊已厲覽者無不嘆服

賈耳集德壽丁亥降聖遇丙午慶八十壽皇講行慶禮上尊號周益公當國差官撰冊文讀冊書冊擬楊誠齋尤延之各撰一本預先進呈益公與誠齋鄉人借此欲除誠齋一侍從爲潤筆冊文壽皇披閱至再卽宣諭益公楊之文太聲牙在御前讀時生澀不若用尤之文溫潤益公又思所以處誠齋奏爲讀冊官壽皇云楊江西人聲音不清不若移作奉冊壽皇過內奏冊寶儀節及行禮官讀至楊某德壽作色曰楊某尚在這裏如何不去壽皇奏云不曉聖意德壽曰楊某殿策內比朕作晉元帝甚道理楊卽日除江東漕誠齋由是薄憾益公

元史孟祺傳祺擢國史院編修官遷從仕郎應奉翰林文字兼太常博士一時典冊多出其手

冊書部雜錄

尚書多士惟殷先人有冊有典殷革夏命注殷先世有冊書典藉說殷改夏王命之意

詩經小雅出車豈不懷歸畏此簡書朱簡書冊命歸遣之詞也

禮記祭統古者明君爵有德而祿有功必賜爵祿於太廟示不敢專也故祭之日一獻君降立于阼階之

南南鄉所命北面史由君右執冊命之再拜稽首受書以歸而舍奠于其廟此爵賞之施也疏舍奠于其

廟者謂受冊命卿大夫等既受冊書歸還而釋奠于家廟告以受君之命

漢書武帝本紀元封元年夏四月上登封泰山注王者功成治定告成功于天刻石紀號有金冊石函金

泥玉檢之封焉應劭漢官儀建武三十二年封太山玉牒石檢金繩

石泥續漢書光武封禪乃求元封封禪事有司奏用玉牒玉檢水銀和金爲泥

西京雜記揚子雲曰軍旅之際戎馬之間飛書馳檄用枚舉廟廊之下朝廷之中高文典冊用相如

玉海後漢禮儀太子即帝位太尉讀冊皇后則宗正讀冊拜皇太子則司空讀冊拜諸侯王公之儀光祿

勳前一拜舉手曰制詔其以某爲某讀冊書畢謁者稱臣某再拜

宋文鑑乾德初蕭國公臣質等奉玉冊玉寶上皇帝尊號

又皇后冊文遣官賜爾皇后之寶授之玉冊厥簡五

十

又皇后哀冊文惟有徽音長留寶冊夢溪筆談上親郊廟冊文皆曰恭荐歲事先景靈宮

謂之朝獻太廟謂之朝饗未乃有事於南郊予集郊式時會預討論常疑其次序若先爲尊則郊不應

在廟後若後爲尊則景靈宮不應在太廟之先求其所從來蓋有所因按唐故事凡有事于上帝則百神

皆預遣使祭告惟太清宮太廟則皇帝親行其冊祝皆曰取某月某日有事於某所不敢不告宮廟謂之

奏告餘皆謂之祭告惟有事於南郊方爲正祠至天寶九載乃下詔曰告者上告下之詞今後太清宮宜

稱朝獻太廟稱朝饗自此遂失奏告之名冊文皆爲正祠

容齋隨筆唐封拜后妃王公及贈官皆行冊禮文宗太和四年以裴度守司徒平章重事度上表辭冊命

其言云臣此官已三度受冊有觀面目從之然則唐世以爲常儀辭者蓋鮮唯國朝以此禮爲重自皇后

太子之外雖王公之貴率一章乞免即止典禮益以不講良爲可惜

元史祭祀志親祀竹冊八副每冊二十有四簡

冊書部外編

路史中三皇紀三皇經云三皇自然之文皆以金玉爲冊天皇所授元玉爲簡青玉爲文地皇所授黃玉

爲簡白玉爲文因提紀羣玉之山平阿无隘四微中繩庸成氏之所

守先王之冊府也冊府所在庸成是立故號曰庸成氏

瑯嬛記舜以玉冊書聖臣之名金冊書賢臣之名銀冊書功臣忠臣之名水晶冊書才臣之名衆臣則書

於木冊穆天子傳羣玉之山先王之所謂冊府

張衡西京賦昔天帝悅秦穆公而觀之饗以鈞天廣樂帝有醉焉乃爲金冊錫用此土而剪諸鵠首

風俗通俗宗上有金匱玉冊能知壽修短漢武探得十八因倒讀曰八十其後果然

吳曆孫皓時吳郡民掘地得物是銀長一尺三寸刻畫有年月字因改年爲天冊

晉書元帝紀末嘉初有玉冊見於長安白玉麒麟神冊出於江陵其文曰長壽萬年

北燕錄沮渠蒙遜永和二年大風震電於震所得石冊

欽定古今圖書集成理學彙編文學典

第一百四十一卷目錄

制誥部彙考

周禮春官 秋官

劉熙釋名釋書 吳

蔡邕獨斷制書

唐書百官志

唐會要黃白麻

李肇翰林志白麻官告

宋史職官志

宋敏求春明退朝錄官誥之制

徐度却掃編制誥用四六

金史章宗本紀

明會典誥敕 誥敕式樣

蔣德璟春明夢餘錄正誥敕文字體

大清會典

制誥部總論

王應麟辭學指南制 誥

吳訥文章辨體制 誥

徐師曾文體明辨制 誥

文學典第一百四十一卷

制誥部彙考

周禮

春官

大祝作六辭以通上下親疏遠近三曰誥

黃氏曰古者大誥命發於廟臨之以鬼神畢命

王朝步自宗周至於豐以成周之衆命畢公保釐

東郊命之於廟洛誥王在新邑烝祭歲王命作冊

逸視冊唯告周公其後誥之於廟史逸作冊寶視

冊史官兼祝官歟

秋官

士師以五戒先後刑罰毋使罪麗於民二曰誥用之

于會同

鄭鐸曰諸侯畢會王將有爲則作爲文誥之辭

以誥之使知其所以然也大誥作於洛邑四方和

會之時是也

劉熙釋名

釋書契

上勅下曰告告覺也使覺悟知已意也

蔡邕獨斷

制書

制書帝者制度之命也其文曰制詔三公敕令贖令

之屬是也刺史太守相勅奏申下土遷書文亦如之

其徵爲九卿若遷京師近官則言官具言姓名其免

若得罪無姓凡制書有印使符下遠近皆璽封尚書

令印重封唯敕令贖令召三公詣朝堂受制書司徒

印封露布下州郡

唐書

百官志

中書省凡王言之制有七二曰制書大賞罰赦宥慮

囚大除授則用之三曰慰勞制書褒勉贊勞則用之

尚書省凡上之逮下其制有六一曰制天子用之

唐會要

黃白麻

中書以黃白二麻爲綸命重輕之辨

李肇翰林志

白麻官告

凡敕書德音立后建儲行大誅討拜免三公宰相命

將制書立白麻紙雙日起草隻日宣

鄭綱奏故事惟封王命相用白麻

唐初將相官告用銷金錢及金鳳紙書之餘皆魚牋

花牋

元和八年八月壬寅吏部定官告紙軸之色物宰相

及使相告用色背綾金花紙節度使用白背綾金花

紙命婦金花羅紙吐蕃及贊普書別錄用黃花五色

綾紙吐蕃宰相已下書用五色紙南詔及清平官書

用黃麻紙

宋史

職官志

中書省凡命令之禮有七曰制書處分軍國大事頒

敕宥德音尚書左右僕射開府儀同三司節度使

凡告廷除授則用之曰誥命應文武官遷改職秩內

外命婦除授及封敕贈典應合命詞則用之皆承制

畫旨以授門下省令宣之侍郎奉之舍人行之留其

所得旨為底大事奏稟得旨者為畫黃小事擬進得旨者為錄黃凡事干因革損益而非法式所裁者論定而上之諸司傳宣特旨承報審覆然後行下吏部官告院主管官一員以京朝官充

京朝充

掌吏兵動封官告以給妃嬪王公文武品官內外命婦及封贈者各以本司告身印印之文臣用吏部武臣用兵部王公及命婦用司封加動用司動官制行四選皆用吏部印惟蕃官則用兵部印凡綾紙幅數標軸名色皆視其品之高下應奏鈔畫聞者給之令史十五人元豐五年官制所重定制受勅授奏授告身式從之紹聖元年吏部言元豐法凡入品者給告身無品者給黃麻元祐中以內外差遣并職事官本等內改易或再任者並給黃麻乃與無品人等詔今後帥臣監司待制以上知州並給告餘依舊三年詔職事官監察御史以上因事罷並給告元符元年吏部言元祐法小使臣只降宣劄乞自承信郎而上依舊給告宣和元年詔官告院立條凡製造告身法物應用綾錦私輒放效織造及貿販服用者立賞訐告大抵官告之制自乾德四年詔定告身綾紙標軸其制闕略咸平景德中兩加潤澤至皇祐始備神宗即位循用皇祐舊格逮元豐改制各號雖異品秩則同故亦未遑別定徽宗大觀初乃著為新格凡標帶網軸等飾始加詳矣凡文武官綾紙五種分十二等色背銷金花綾紙三等

一等一十八張滴粉縷金花大犀軸八苔量錦標

輅色帶二公三少侍中中書令用之一等一十七張滴粉縷金花中犀軸天下樂錦標犀軸色帶左右僕射使相王用之

白背五色綾紙三等

二等一十七張滴粉縷金花翠毛獅子錦標韜珖琯軸色帶知樞密院兩省侍郎尚書左右丞同知簽書樞密院事副王都王特進觀文殿大學士太尉東宮三少冀兗青徐揚荆豫梁雍州牧御史大夫宗室節度使至宰府副率之帶皇字者用之一等一十七張量錦標韜珖琯軸色帶觀文殿學士資政殿大學士六尚書金紫光祿銀青光祿光祿大夫左右金吾衛左右衛上將軍節度承宣觀察並用之

大綾紙四等

一等一十五張量錦標兩面撥花穗草大牙軸色帶宣奉正奉大夫翰林學士資政端明殿學士龍圖天章寶文顯謨徽猷閣學士左右散騎常侍御史中丞開封尹六曹侍郎樞密直學士龍圖天章寶文顯謨徽猷閣直學士正議通奉大夫諸衛上將軍太子賓客詹事侯用之一等十二張法錦標兩面撥花細牙軸色帶給事中中書舍人通議大夫司成左右諫議大夫龍圖天章寶文顯謨徽猷閣待制大中大夫秘書殿中監伯用之一等一十張法錦標撥花常使大牙軸色帶中大夫七寺卿京畿三路轉運使發運使中奉中散大夫通侍大夫樞密都承旨祭酒太常宗正少卿秘書殿中少監正侍中侍大夫入內侍省內侍省都知諸州

刺史中亮中衛大夫防禦團練使太子左右庶子諸衛大將軍駙馬都尉典樂子用之一等八張盤龍錦標大牙軸色帶七寺少卿朝議奉直大夫左右司郎中司業開封少尹少府將作軍器監都水使者拱衛大夫太子詹事左右諭德左武右武大夫入內侍省內侍省副都知樞密承旨副都承旨諸房副承旨起居郎舍人侍御史左右司員外郎六曹郎中朝議朝散朝奉大夫京畿三路轉運副使諸路轉運使副使知上州提舉三路保中入內侍省內侍省押班武功至武翼大夫開封左右司錄事蕃官使臣殿中侍御史左右司諫正言監察御史和安大夫至翰林良醫男用之內殿中侍御史監察御史用九張著官使臣用大錦標背帶此其小異者也

中綾紙二等

一等七張中錦標中牙軸青帶諸司員外郎朝請朝散朝奉郎少府將作軍器少監諸位將軍太子侍讀侍講中亮中衛左武右武郎中知下州諸路提點刑獄發運判官提點鑄錢承議郎武功至武翼郎太子中允舍人親王府翊善贊讀侍讀待賓郎太常中正秘書殿中丞六尚奉御大理正著作郎通事舍人太子諸率府率直龍圖閣開封府諸曹事大晟府樂令直祿閣崇政殿說書和安郎至翰林醫正用之一等六張中錦標中牙軸青帶奉議郎七寺丞秘書郎太常博士著作佐郎國子少府將作軍器都水監丞國子博士大理司直評事修武敦武郎通直郎內常侍轉運判官提舉學士

諸州通判御史臺檢法官主簿九寺主簿親王記
室閣門祇候樞密院逐房副承旨從義秉義郎太
學武學博士開封諸曹掾陵臺令兩赤縣令忠訓
忠翊郎節度防禦團練副使行軍司馬太醫正太
史局令正丞五官正翰林醫官辟離博士太子諸
率府副率用之

小綾紙二等

一等五張黃花錦標角軸青帶校書郎正字宣教
郎太常寺協律奉禮郎太祝郊社大官令律學博
士國子少府將作軍器都水監主簿宣義郎保義
成忠郎大學正錄律學承事承奉承務承信承節
郎門下中書省錄事尚書省都事三省樞密院主
事辟離正錄用之一等五張黃花錦標次等角軸
青帶幕職州縣官三省樞密院令吏書出流外官
諸州別駕長史司馬文學司士助教技術官用之
凡宮掖至外命婦羅紙七種分十等遍地銷金龍五
色羅紙二等

一等一十八張緞帶兩面銷金雲鳳標紅絲網子
金樣銀花塗粉鎔滴粉縷金花鳳大犀軸大長公
主長公主公主用之一等一十七張緞帶兩面銷
金雲鳳標紅絲網子金樣銀花塗粉鎔滴粉縷金
花鳳子中犀軸貴儀淑儀淑容順儀順容婉儀婉
容內宰用之

遍地銷金鳳子五色羅紙二等

一等一十五張緞帶銷金鳳子標紅絲網子金塗
銀粉鎔滴粉縷金雲鳳玳瑁軸昭儀昭容昭媛修
儀修容修媛充儀充容充媛副宰用之一等一十

二張緞帶銷金盤鳳標紅絲網子金塗銀粉鎔滴
粉金雲鳳玳瑁軸婕妤才人貴人美人用之
銷金團窠花五色羅紙二等

一等十張八答韋錦標額色帶紫絲網子銀粉鎔
滴粉縷金葵花玳瑁軸尚儀尚儀尚服尚食尚寢尚
功宮正內史宰相會祖母祖母母妻親王妻用之
一等八張翠色獅子錦標額色帶紫絲網子銀粉
鎔滴粉縷金梔子花玳瑁軸郡主縣主國夫人內
命婦郡夫人執政官祖母母妻用之

銷金大花五色羅紙一等

七張雲鴈錦標額色帶紫絲網子銀粉鎔滴粉縷
金玳瑁軸實林御女采女二十四司典掌尚書省
掌籍掌樂主管仙詔用之

金花五色羅紙一等

七張法錦標額色帶紫絲網子銀粉鎔滴金玳瑁
軸郡夫人郡君宗室妻朝奉大夫遙郡刺史以上
母妻升朝官母諸班直都虞候指揮使禁軍都虞
候軍都虞候御前忠佐母蕃官母妻諸神廟夫人
用之

五色素羅紙一等

七張錦標額色帶紫絲網子銀粉鎔大牙軸宗室
女升朝官妻諸班直都虞候指揮使禁軍都虞候
軍都指揮使忠佐妻用之

凡內外軍校封贈綾紙三種分四等大綾紙二等

一等七張法錦標大牙軸青帶遙郡刺史以上用
之一等七張大錦標大牙軸青帶藩方指揮使御
史前忠佐馬步軍都副都軍頭馬步軍都軍頭藩

方馬步軍都指揮使用之內帶遙郡者法錦標色
帶

中綾紙一等

五張中錦標中牙軸青帶都虞候以上諸班指揮
使御前忠佐馬步軍副都軍頭藩方馬步軍副都
指揮使都虞候用之內加至爵邑者用大綾紙大
牙軸大錦標

小綾紙一等

五張黃葩錦標次等角軸青帶諸軍指揮使以下
用之如加至爵邑者同上
凡封蠻夷酋長及蕃長綾紙兩種各一等五色銷金
花綾紙一等

一十八張翠色獅子錦標法錦額紫絲網子銀粉
鎔滴粉縷金牡丹花玳瑁軸色帶南平占城真臘
闍婆國王用之

中綾紙一等

七張法錦標中牙軸青帶藩蠻官承襲轉官用之
大觀併歸尚書省政和仍歸吏部差主管官建炎元
年詔文臣大中大夫武臣正任觀察使及宗室南班
官以上給告以下並給敕三年詔逐等依舊給告給
典二年詔四品以下官及職事官監察御史以上官
告並用錦標外其餘官并封贈權用緞羅代充十四
年始盡用錦其後又詔內外命婦郡夫人以上乃得
用網袋及銷金其餘則否至二十六年詔內外文武
臣僚告敕並依大觀格式製造裁減吏額共置二十
九人淳熙十三年又減五人

宋敏求春明退朝錄

官詔之制

凡官詔之制后妃銷金雲龍羅紙十七張銷金襖袋寶裝軸紅絲綢金粉鎔公主銷金大鳳羅紙十七張銷金襖袋瑤瑤軸紅絲綢金銀粉鎔按皇后當降制誕詔不裝詰身而用冊本朝諸后皆止用詰景祐元年立后始用冊治平熙寧皆循之親王宰相使相背五色金花綾紙十七張暈錦襖袋犀軸色帶紫絲網銀粉鎔樞密使三師三公前宰相至僕射東宮三師副王郡王節度使白背五色金花綾紙十七張暈錦襖袋犀軸色帶參知政事樞密副使知院同知院簽書院事宣徽使僕射東宮三師御史大夫宗室宰府副率以上白背五色綾紙十七張暈錦襖袋牙軸色帶尚書觀文殿大學士資政殿大學士東宮三少六統軍上將軍留後觀察使同上惟用法錦襖近者用翠毛獅子錦以暈錦非舊制也三司使翰林學士承旨至直學士待制丞郎御史中丞大兩省賓客大卿監祭酒詹事庶子大將軍防團刺史橫行使內諸司使軍職遙郡樞密都承旨初除駙馬都尉白綾大紙七張法錦襖大牙軸色帶三司副使少卿監司業起居郎至正言知雜至監察御史郎中員外郎四赤令諭德少詹事家令率更令太子僕太常博士節度行軍司馬副使橫行副使諸司副使樞密副承旨軍職都指揮使忠佐馬軍步軍都軍頭以上藩方馬步軍都指揮使并遙郡者白綾大紙七張大錦襖牙軸青帶國子博士至洗馬通事舍人諸王友六尚奉御諸衛將軍承制崇班閤門祇候五官正諸州別駕樞密院諸房承旨如官至將軍以上用大綾紙大錦

襖大牙軸兩使判官防團副使率府率副率京官館職堂後官中書樞密院主事諸軍職都虞候忠佐馬軍步軍副都軍頭諸班指揮使藩方馬步軍副都指揮使都虞候內供奉官至內品白綾中紙五張中錦襖中牙軸青帶祕書郎至將作監主簿白綾小紙五張黃錦襖角軸青帶幕職州縣官靈臺郎保章正諸州長史司馬中書錄事主書守當官樞密院令史書令史諸軍指揮使內品待詔書藝白綾小紙五張小錦襖木軸青帶諸蕃蠻子大將軍司階司戈司候郎將以上並白綾大紙法錦大牙軸色帶凡修儀婉容才人貴人美人銷金小鳳羅紙七張銷金襖袋瑤瑤軸紅絲綢金銀粉鎔司言司正尚衣尚食典寶常使金花羅紙七張法錦襖袋內降夫人郡君團窠羅紙七張暈銀襖袋宗室婦常使金花羅紙七張法錦襖袋宗室女素羅紙七張法錦襖袋國夫人銷金團窠五色羅紙七張暈錦襖袋郡夫人常使金花羅紙七張法錦襖袋見任兩府母妻使團窠以上至司言司正等皆用瑤瑤紫絲綢粉鎔郡君縣太君遙郡刺史正郎以上妻並銷金常使羅紙七張餘命婦並素羅紙七張

凡封贈父祖為降麻官用白背五色綾紙法錦襖大牙軸餘雖極品止給大綾紙法錦襖大牙軸徐度却掃編

制詔用四六

國朝之制凡降敕處分事皆有詞其體與詔書相類知制誥行皆用四六文字元豐官制行罷之金史

章宗本紀

大定二十九年正月即位閏五月癸未朝於隆慶宮詔學士院自今詔詞並用四六明會典

詔敕

洪武二十六年定照依品級制度如式製造所用五色紵絲詰身詰帶黃蠟花板白麝紙劄等項差人赴內府織染局等衙門關支

詔敕式樣

詰敕用五色紵絲其前織文曰奉天詰命敕織用純白綾其前織文曰奉天敕命俱用升降龍文左右盤繞後俱織某年月日造帶俱用五色

正詔敕文字體

崇禎元年上諭近來詰敕文字繁稱過情殊為非體以後撰擬不由詞臣繕寫不由中書者俱與著實查駁

大清會典

凡封贈

詰敕文武官員五品以上者應給詰命六品以下者應給

敕命順治初俱由翰林院開列翰林官職名送內閣具題撰擬文字

十年雅題自一品至九品官

詰敕限定句數一品起六句中入事實十四句結六句二品起六句中十二句結六句三品起六句

中十句結六句四五品起四句中八句結四句六七品起四句中六句結四句八九品起二句中四句結二句

康熙十年題准一應

誥敕於內閣侍讀學士侍讀內酌派一二入專司其事若有應給

誥敕官員該衙門將職銜開明送閣令該管官照式發中書科繕寫送閣用

實仍交該衙門給發如有應另撰擬文字者仍令翰林院撰擬

二十四年議准各按官職撰定文式頒給

翰林院撰擬

制誥部總論

王應麟辭學指南

制

唐虞至周皆曰命秦改命為制漢因之下書有四而制書次焉顏師古謂為制度之命唐王言有七其一曰制書大除授用之學士初入院試制書批答共三篇此試制之始也制用四六以便宣讀皇朝知制誥名試中書而後除不試號為異禮所以試者觀其敏也試制詔三篇宰相俟納卷始上馬翌日進呈除目

方下至政和辛卯始以制命題制誥詔書依例宰執進呈凡命宰相三公三少節度使則用制麻樞密使亦如之后妃東宮親王公主不以命題

誥

誥告也其原起於湯誥周官大祝六辭三曰誥士師五戒二曰誥成王封康叔叔命以康誥唐誥漢元符六年立三子為王初作誥唐白居易集翰林曰制詔中書曰制誥蓋內外命書之別皇朝西掖初除試誥而命題亦曰制

吳訥文章辨體

制誥

按周官太祝六辭二曰命三曰誥考之於書命者以之命官若畢命罔命是也誥則以之播告四方若大誥洛誥是也漢承秦制有曰策書以封拜諸侯王公有曰制書用載制度之文若命官則各賜印綬而無命書也迨乎唐世王言之體曰制者大賞罰大除授用之曰發勅者授六品以下官用之即所謂告身也宋承唐制其曰制者以拜三公三省等職辭必四六以便宣讀於庭誥則用散文以其直告某官也西山云制誥皆王言貴平典雅溫潤用字不可深僻造語不可尖新文武宗室各得其宜斯為善矣

徐師會文體明辨

制

按顏師古云天子之言一曰制書謂為制度之命也蔡邕云其文曰制誥三公敕令贖令之屬是也刺史太守相勅奏申下土遷書文亦如之其徵為九卿若遷京師近官則言官具言姓名其免若得罪無姓此

漢之制也唐世大賞罰赦宥有慮囚及大除授則用制書其褒嘉贊勞別有慰勞制書餘皆用勅中書省掌之宋承唐制用以拜三公三省等官而罷免大臣亦用之其詞宣讀於庭皆用儼語故有敷告在庭敷告在位敷告萬邦誕揚休命誕揚贊冊誕揚丕號等語其餘庶職則但用誥而已是知以制命官蓋唐宋之制也今採二代制詞以為式

誥

按字書云誥者告也告上曰告發下曰誥古者上下有誥故下以告上仲虺之誥是也上以誥下大誥洛誥之類是也攷於書可見已周禮士師以五戒先後刑罰其二曰誥用之於會同以諭衆也秦廢古法止稱制詔漢武帝元符六年始復作之然亦不命官唐世王言亦不稱誥至宋始以命庶官而追贈大臣貶謫有罪贈封其祖父妻室凡不宣於庭者皆用之故所作尤多然攷歐蘇曾王諸集通謂之制故稱內制外制而誥實雜於其中不復識別蓋當時王言之司謂之兩制是制之一名統諸詔命七者而言若細分之則制與誥亦自有別故文鑑分類甚明不相混雜足以辨二體之異今倣其例而例之惟唐無誥名故仍稱制其詞有散文有儼語則分為古俗二體云今制命官不用制誥至三載攷績則用誥以褒美五品以上官而贈封其親及賜大臣勳階贈諡皆用之六品以下則用勅命其詞皆兼二體亦監前代而損益之也

欽定古今圖書集成理學彙編文學典
第一百四十二卷目錄

制誥部藝文一

唐丞相太尉衛國公李德裕會昌一品制集序

唐鄭亞

答楊湖南書

權德輿

爲蕭相謝賜太夫人國號告身狀

元稹

爲蕭相謝告身狀

前人

論追制表

前人

爲人謝賜將軍官告狀

令狐楚

謝草詞啓

張元晏

舟中錄序

錢珣

稽緩制書判

白居易

私發制書判

前人

內制集序

宋歐陽修

外制集序

前人

謝知制誥表

前人

謝知制誥表

王安石

謝知制誥啓

王珪

魏國錄贈告後記

朱子

跋歐陽國瑞母氏錫誥

前人

跋趙宰母夫人錫誥

前人

跋馮君家藏誥

前人

跋孔君家藏唐誥

前人

與陳君舉

前人

跋劉楚公沆拜相告

周必大

跋司馬溫公呂申公同除內翰告 前人
跋唐相梁國忠公爲吏部侍郎加勳告 前人

跋艾軒繳新除殿中侍御史書黃奏藁 前人

劉克莊

題孔氏所藏先世誥後

明宋濂

題王魯公授少保致仕誥

前人

題鄭北山追復誥後

前人

題顧拙軒誥命後

前人

跋包孝肅公誥詞後

前人

題王兩洲誥命杏引

楊繼盛

兩朝錫命卷序

王世貞

繪音世貴錄後序

前人

宋司諫王公告身跋

汪道昆

姚翰長代言序

倪元璐

制誥部藝文二

詩

內狀詩寄楊白二員外

詩

妻初授邑號告身

白居易

南宮夜直宿見李給事封題其所下制勅知奏

令狐楚

直在東省因以詩寄

前人

觀南陽高武宣王誥詞其子渾璞治書徵賦

元吳師道

題宗忠簡誥

王輔時爲少

明宋濂

制誥部選句

文學典第一百四十二卷
制誥部藝文一

唐丞相太尉衛國公李德裕會昌一品制集序

唐鄭亞

繪紉之典載籍之始先王發施號令明罰勅法蓋本於此也唐虞之盛二典存焉夏殷之隆厥有訓誥自引征甘誓乃有誓命之書皆三代之文一王之法也虞夏之際代祀綿遠其代工掌制之名氏莫得而知至於成湯太甲則有仲虺伊尹爲之訓誥高宗得傳說則有說命之篇周公召公相成王則有洛誥誥周官顧命泰始皇帝并一區宇丞相李斯實掌其言漢典當秦焚書之後待從之臣皆不習文史蕭曹之輩又乏儒墨之用每封功臣建子弟其辭多天子爲之縱委於執翰者亦非彰灼知名之士武帝使司馬相如視草率皆文章之流以相如非將相之器也厥後漢以徵長下至魏晉亦代有其人我高祖肇隋文物大備在貞觀中則顏公師古岑公文本典焉在天後時則李公嶠崔公融出焉燕許角立於元宗之朝常楊繼美於太宗之世洎憲宗皇帝英武啓運雄圖赫張中興之業高映前古其時則先太師忠公翺翔內署有密勿贊佐之績平吳定蜀實惟其功及登樞衡作霖雨尊王室卑諸侯圖蔡料齊外定內理顯王言於典誥彰帝範於圖籍紀在徽冊播於無窮特進太子少保分司東都衛公長慶中事惠皇爲翰林學士訓誥之業彰於傳聞昭肅皇帝統握乾符寤寐良弼詔自淮海復升台庭盡付元機允厥神度每形堦奏罷別承天賡帝亦講伊訓說命之旨定元首股肱

之契以太平之制度上古之文教咸屬於公焉會先太后懿號未立帝明發有永懷之痛公述沙麓神井之瑞贊繞樞懷日之慶懋遵聖緒光慰孝思於是承命有宣懿祔廟之制及武宗郊昊天拜清廟文物胥備朝廷有禮華夷述職河朔修實乃顯神休薦徽號奉揚一德以示萬方於是撰仁聖文武至神大孝之冊封域無虞天子方脩然有求元之思乃範真金模聖表隆準日角燭於宮庭中外臣僚咸欲頌山河而褒日月也公於是是有聖容之讚天街之北德馨攸居因饒惡陵怙衆強禦嚴之以刁斗而勃無懼申之以文告又腆然不率天子震怒旋命征之公獨運沉機上資宸斷萬里勝負決於帷中雷電既震大羊遂潰疣贅披抉腥羶解難遁其名王復我貴主公於是有討北狄之詔天寶末薊門爲首亂之地瘡痍榛棘襲世未平至於漁陽帥師仲武掃除妖孽威復仇讎奉揚威神乃底康靖仍願勒石於盧龍之塞以叙聖功飛章上聞帝用允若公祇應明命舒展格言呼嘯神祇吐納萬華當畫而文星現不寐而白鳳來成諸侯不朽之勳尊元后無私之化公於是幽州紀聖功之碑潞帥劉從諫死其子因關河之險恃甲兵之衆請爵爭地屢聞王庭中外疑迷互撓天聽帝將耀神武公累獻忠謀且言曰重耳在喪不聞利父雄渠受戮祇以拒君况明皇舊宮天井內地跨連河北倚倚山東豈可行有匪人坐爲汙俗若是可忍孰不可容沃心無疑躡足乃定又曰上黨居天下之脊當河朔之喉今漳水雄兵常山勁卒是爲唇齒實懼因依不若乘於未萌制其將動帝俞其奏乃妙選使臣以

勞論之嚴立刑賞以勸戒之魏侯鎮侯勳力從命絕壺關之右臂收涇水之上游獲茲渠魁在此成算又轅門叛將潢水餘兒竊上相之旌旗盜晉陽之管鑰帝怒斯赫人心愈疑咸以師老於郊果巢尚固議罷兵者蚊聚請有過者雷同公又揚笏而言曰彼地則義師帥分宗室是元祖勸商之邑后稷造周之邦瓜庭具存堂構斯在苟虧策畫不獲仇讎則是獎彌牟逐主之風長冒頓射親之俗待稱樂室於道書謂疑謀勿成由是洞起宸衷大破羣議運籌制勝舉無遺策防微慮遠必契神機授鉞之臣服膺承命謝安之圍碁尚切曹參之飲酒方酣果有軍書繼聞戎捷砥磨周鉞水淬鄧刀萬里來東紹之頭顱二冢葬蚩尤之肩髀歡聲雖震於朝市喜氣不見於形容何其纂立功勳鎮定風俗若是之重也公於是是有伐上黨之制平晉陽之勅宗華可汗獻琛輸寶越自絕域通於本朝文畢伯士之香呼韓鹿臺之師或執玉而朝靈圖或解辯而拜甘泉並垂於冊書光被明命公於是有論回鶻之命五慰堅昆之書四文章等於訓傳機事出於神明固將偃仰邵石之符傲睨鬼籍之錄聞之者可以祛孽贖得之者可以弭邦國每牙管既拔芝泥將熟書於席前親授筆札公亦分陰可就落簡如飛時有急宣關於密畫內庭外制皆不與聞或勢切疾雷機難終日宣室未召武帳莫開公則手疏封章達於旒宸當乙夜觀書之際未嘗不稱美再三此又豈可與賦洞簫而諷於後庭聞子虛而嗟不同世者論功較德耶歲在乙丑羣公常伯以天子之道貫於神祇一年而風雨旼旼不作二年穢醜虜與

北伐之詩四年誅殺童蒙東征之歌而又伐摩尼之風壞浮圖之俗偃兵返朴四海胥定思欲增鴻名光下武公乃觀東序之圖按西昆之牒鋪舒名實藻緝文采類於上帝爲唐神宗公於是纂章天成功神德明道之冊文號位既畢華夷會同方將命禮官召儒者訪匡衡后土之儀採公玉明堂之圖考肆觀之禮於梁生叩封禪之書於大子盡皇王之盛事極臣子之殊功而軒鼎將成禹書就掩然猶進先嘗之藥獻高手之醫藏周旦請代之書追漢宣易名之美作爲大詰祈於昊天始終一朝銘續九德其功伐也既如彼其制作也又如此故合武宗一朝冊命典詰奏議碑贊軍機羽檄凡兩帙二十卷輒署曰會昌一品制集紀年追聖德也書位旌官業也歲在丁卯亞自左掖出爲桂林九月公書至自洛以典詰制命示於幽鄙且使爲序以集成書尋元珠不究於倪域聽希聲莫窮於高下承命震懼移朝夕援筆而復止者三四伏念江陵修邊辭讓不及因齋潔以攷焉

權德輿

答楊湖南書

使至蒙惠寄制集序發函煥然盈耳溢目弘麗博厚坦夷章明如黃鐘大玉慶雲天籟奇采正聲鏗鏘照燭真可謂作者之表方駕古人欣歡懷悚詠歎無數甚盛甚盛但根本不稱獎飾非宜以此爲雄文至鑒之累如何如何書命者古先哲王之所以發德音而賦百職也在易曰后以施命誥四方書曰誕告萬方詩曰訂謨定命遠猶辰告故君陳君牙畢命罔命之作皆直而文簡而誠含章而不流漢廷亦云文章爾雅訓辭深厚其重如是而鄙人忝焉使盛世之文明

不登於典謨訓誥罪在菲薄其敢逃責於多士邪昔顏氏之子有不善未嘗不知知之未嘗復行愚雖竊知之之道而職命所拘不能不俟終日而勇退日踐復行之過至於九年暴於四方爲所觀笑此所以慙愧於古人也亦思人生世間當志於遠者大者豈數數然損精耗神攘竊文字而猶力不足意不逮雖三益直諒之通久廢獨不愧於心乎昨休沐之餘愚子呈閱且以有大朝中外之授受士友遷除之歲時遂不計妍嫌相從以類初不敢以制集自命但全其文而已因其很多分列卷第又覲然以序引奉煩者誠以承眷之深而心仰雄伯使夜光冠於魚目未爲子孫祕藏非敢效太冲三都而求元晏發之之道也及覽鴻麗之作無非違言追思內訟已無所及使鄙人涉幣帶自見之患陷作者於玉卮無當之嫌一不敏而相交喪何可言也伏以門中忠節敘述周詳因小生之無似揚先德於不朽伏讀感咽何階仰酬結於肺肝沒齒無極又德音宥密皆出自中禁而西掖所掌止於命官今序中所言肅王澤竭幽滯振刑典申肅殺揜揚弘大務極其言則虛美之中又爲虛美所冀盡去過談方敢受賜耳故吏部李員外三丈寓書於柳祕書求爲後集序此賢達所不能忘懷也但後言失實如楚越之相遠異時見議於通人則復爲累亦輒爲閣下良規非止於自謀也左曹許公範一紀已來過於賞愛鄙人每以逐臭况之今又遇閣下此作素多昧理忽復自疑幸無泥於眷私而滅裂公是所望也載之再拜

爲蕭相謝賜太夫人國號告身狀 元稹

恩賜臣母國號告身一通右今月日某乙奉宣恩旨賜臣母前件告身恩光灼耀捧載兢惶對揚天休無任戰越臣家傳儒素母實劬勞每纖履以資臣宦遊嘗斷織以勉臣師學念臣庸昧本望非高所希捧檄之榮敢思開國之慶陛下恩加望外簡自宸衷石窮封疆已光於萬葉葉珠文字重降於九重朝野謂之殊私宗族以之榮光臣及臣母以并以歡誓將齋戒洗心求奉真人之語誠勝在荷深藏大帝之符寶過金靈瑞同鵠印蒙蕭知感雨露難酬無任抃躍戴恩之至

爲蕭相謝告身狀

前人

右中使某乙至奉宣進止賜臣某官告身一通者風銜真詰虬捧天書錦帙金霞霞明日照臣聞高宗命說乃申納誨之詞大舜相龍爰有望讒之訓空書簡冊未煥縑緗如臣寵榮豈足爲喻慙惶增懼進退難安拜受恩光戰汗交集無任感戴殊私之至

論追制表

前人

臣某言臣聞令之必行於下者信也令苟不信患莫大焉今陛下初臨萬內務切黎元至於牧守字人之官所宜詳擇苟未得人不當虛授苟或任使不可屢遷臣竊見近除寧州刺史論參虔州刺史高弘本通州刺史豆盧靖會不涉旬並已追制又以杜兼爲蘇州刺史行未半途復改郎署臣不知誰請於陛下而授之誰請於陛下而追之追之是則授之非授之是則追之非以非爲是者罰必加然後人不敢輕其舉以是爲非者罪必及然後下不敢用其私此先王所以不令而人從不言而人信豈異事哉率是道也今

陛下如綸之令朝降反汗之詔夕施紛紛紜紜無所歸咎臣竊恐陛下之命未能取信於朝廷而况取信於天下乎臣伏願陛下徵舉者之詞察追者之請若舉者之詞直則請而追之者不得無過若追者之理勝則舉而授之者不得無辜賞罰是非所宜明當況陛下肇臨黎庶教化詔令之間四方所仰小有得失天下必聞臣實庸愚謬居諫列職當言責不敢偷安苟有所補萬死無恨無任愚迫懇款之至謹詣東上閤門奉表以聞

爲人謝賜將軍官告狀

令狐楚

右中使朱孝誠至伏奉詔命慰問臣并宣慰旨允臣所奏當使諸將官賜前件告身者寵命從天榮光溢路謹呼感戴皆不自勝臣素是懦愚叨居上將微誠空竭薄效未伸伏蒙陛下曲降天波俯加王澤華資清秩周及於百夫喜氣謹聲喧傳於一道家藏寶軸人受綸言三軍驚非次之榮萬并賀殊情之慶誓將苦節上答明恩謹准收捧受分給訖臣與諸將等限以所守不獲詣闕陳謝無任忤躍之至

謝草詞啓

張元晏

某啓昨日獲奉轉遷出於提獎伏知舍人次當視草曲賜褒稱裁成五色之紛綸啓導九霄之渥澤過勞江筆潤色竟言指頑石爲瑤瑾之流謂驚馬有驂驅之足揣循驚感倍切肺肝

舟中錄序

錢珣

乙卯歲冬十一月余以尚書郎得掌誥命庚申歲夏六月以舍人獲譴佐撫州馳晷道病秋八月自襄陽浮而下舟行無役因解東書視所爲辭葉剪剪冗碎

可存者得五百四十篇丞相奏百篇區別編聯爲二十卷夫體正而有倫辭約而居要始終明白茲所以爲語也國朝聲名辭臣率能由是而作堂閣祕選不與漢魏爭高下而荒學小子以一目視其穴隙間其可見堂奧而得規模哉以是代天子言誠不知而作也古者黜幽不過考三載之績余冒居六年見考無積用思黜不亦宜乎所編聯不敢以集稱理諸舟中遂曰舟中錄是年九月錢瑛自序於沔陽之南

稽緩制書判

得甲爲所由稽緩制書法直斷合徒一年訴云違未經十日

對

白居易

王命急宣行無停晷制書稽緩罪有常刑將欲正其科繩必先揆以時日甲懈位敗度慢令速尤蓄怠棄之心既虧臣節墮駭奔之命自抵國章然則審時勾稽考程定罪法宜以役當暮月所由以違未浹辰將計年以斷徒恐乖閱實請據日而加等庶叶決平是日由文俾乎思訟

私發制書判

得丁私發制書法司斷依漏洩坐丁訴云非密事請當本罪

對

前人

君命是專刑其無小王言非密罪則從輕丁乃攸司屬當行下不慎厥德擅發如綸之言自災於身難求疎網之漏然則法通加減罪有重輕必也志在私行唯當專達之責如或事關樞密則科漏洩之辜請驗跡於紫泥方定刑於丹筆

內制集序

宋歐陽修

昔錢思公嘗以謂朝廷之官雖宰相之重皆可雜以他才處之唯翰林學士非文章不可思公自言爲此語頗取怒於達官然亦自負以爲至論今學士所作文章多矣至於青詞齋文必用老子浮圖之說祈禱祕祝往往近於家人里巷之事而制詔取便於宣讀常拘以世俗所謂四六之文其類多如此然則果可謂之文章者歟予在翰林六年中間進拜二三大臣皆適不當直而天下無事四夷和好兵革不用凡朝廷之文所以指麾號令訓戒約束自非因事無以發明矧予中年早衰意思零落以非工之作又無所遇以發焉其屑屑應用拘牽常格卑弱不振宜可羞也然今文士尤以翰林爲榮選予既罷職院吏取予直草以日次之得四百餘篇因不忍棄其上自朝廷內及宮禁下暨蠻夷海外事無不載而時政記日曆與起居郎舍人有所略而不記未必不有取於斯焉嗚呼予且老矣方買田淮潁之間若夫涼竹簟之暑風曝茅簷之冬日睡餘支枕念昔平生仕宦出處顧瞻玉堂如在天上因覽遺藁見其所載職官名氏以較其人盛衰先後孰在孰亡足以知榮寵爲虛名而賁笑談之一噓也亦因以誇彼田夫野老而已嘉祐六年秋八月二日廬陵歐陽修序

外制集序

前人

慶曆三年春丞相呂夷簡病不能朝上既更用大臣銳意天下事始用諫官御史疏追還夏竦制書既而名韓琦范仲淹於陝西又除富弼樞密副使弼仲淹琦皆頓首辭讓至五六不已手詔趣琦等就道甚急

而弼方且求入對以辭不得見遣中貴人趣送閣門使即受命嗚呼觀琦等之所以讓上之所以用琦等者可謂聖賢相遭萬世一遇而君臣之際何其盛也於是時天下之士孰不願爲材耶顧予何人亦與其選夏四月召自滑臺入諫院冬十二月拜右正言知制誥是時夏人雖數請命而西師尚未解嚴京東累歲盜賊最後王倫暴起沂州轉劫江淮之間而張海郭觀山等亦起商鄧以驚京師州縣之吏多不稱職而民弊矣天子方慨然勸農桑興學校破去前例以不大人哀民之困而欲除其蠹吏知磨勘法久之弊而思別去不肖以進賢能患百職之不修而申行賞罰之信蓋欲修法度矣予時雖掌誥命猶在諫職常得奏事殿中從容盡聞天子所以更張庶事憂憫元元而勞心求治之意退得載於制書以風曉訓勅在位者然予方與修祖宗故事又修起居注又修編勅日與同舍論議治文書所省不一而除目所下率不一二時已迫承相出故不得專一思慮攻文字以盡導天子難論之意而復詰命於三代之文嗟夫學者文章見用於世鮮矣况得施於朝廷而又遭人主致治之盛若修之鄙使竭其材猶恐不稱而况不能專一其識此予所以常遺恨於斯文也明年秋予出爲河北轉運使又明年春權知成德軍事事少閒發嚮所作制草而閱之雖不能盡載明天子之德於其所述百得一二足以彰示後世蓋王者之訓在焉豈以予文之鄙而廢也於是錄之爲三卷予自直閣下保直八十始滿不數日奉使河東還鄧以來河北故其所作纔一百五十餘篇云